



Broj: IP-03-47-5-00421/15VT  
Banjaluka, 20.01.2015. godine

Institut za intelektualno vlasništvo Bosne i Hercegovine (u daljem tekstu: Institut), na osnovu člana 11. stav (5) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10), i člana 209. Zakona o upravnom postupku („Službeni glasnik BiH“, br. 29/02, 12/04, 88/07, 93/09 i 41/13), rješavajući po zahtjevu podnosioca Asocijacije kompozitora-muzičkih stvaralaca, Obala Kulina bana br. 22/II, Sarajevo, za ispravku greške u Rješenju Instituta za intelektualno vlasništvo BiH broj IP-03-47-5-12-06059/12VT od 21.06.2012. godine, kojim je podnosiocu zahtjeva izdata dozvola za kolektivno ostvarivanje prava autora muzičkih djela, d o n o s i

## ZAKLJUČAK

### o ispravci greške u Rješenju broj IP-03-47-5-12-06059/12VT od 21.06.2012.

1. **Ispravlja se greška** u Rješenju Instituta za intelektualno vlasništvo Bosne i Hercegovine broj IP-03-47-5-12-06059/12VT od 21.06.2012. godine kojim je Asocijaciji kompozitora – muzičkih stvaralaca (AMUS) iz Sarajeva izdata dozvola za obavljanje poslova kolektivnog ostvarivanja prava autora muzičkih djela, tako da se:

1.1. U dispozitivu rješenja, tačka 1., u preambuli i u tekstu obrazloženja, iza naziva „Asocijacija kompozitora-muzičkih stvaralaca“ **brišu riječi „Bosne i Hercegovine“**. Ostali dio teksta u Rješenju ostaje nepromjenjen.

2. Ovaj zaključak proizvodi pravni učinak od dana od koga proizvodi pravni učinak i Rješenje Instituta za intelektualno vlasništvo Bosne i Hercegovine broj IP-03-47-5-12-06059/12VT od 21.06.2012. godine.

3. Ovaj zaključak se prilaže izvorniku rješenja i čini njegov sastavni dio.

4. Ovaj zaključak će se objaviti u „Službenom glasniku BiH“ i u „Službenom glasniku Instituta“.

## Obrazloženje

Asocijacija kompozitora – muzičkih stvaralaca (AMUS), Obala Kulina bana br. 22/II, Sarajevo, podnijela je Institutu za intelektualno vlasništvo BiH zahtjev za ispravku greške u Rješenju Instituta za intelektualno vlasništvo Bosne i Hercegovine broj IP-03-47-5-12-06059/12VT od 21.06.2012. godine, kojim je Asocijaciji kompozitora – muzičkih stvaralaca (AMUS) iz Sarajeva izdata dozvola za obavljanje poslova kolektivnog ostvarivanja prava autora muzičkih djela, navodeći da je u istom pogrešno naveden naziv udruženja. Zahtjev je zaprimljen u Institutu pod brojem UP-03-47-5-00416 dana 16.01.2015. godine.

Postupajući po navedenom zahtjevu, Institut je izvršio uvid u Rješenje o upisu u Registar udruženja koje vodi Ministarstvo pravde Bosne i Hercegovine i Rješenje Instituta broj IP-03-47-5-12-06059/12VT od 21.06.2012. godine i utvrdio da je zahtjev AMUS-a osnovan i da je u Rješenju potrebno iza naziva Asocijacija kompozitora-muzičkih stvaralaca brisati riječi „Bosne i Hercegovine“ i to na svim mjestima u tekstu gdje su te riječi napisane. Ostali dio teksta u Rješenju ostaje nepromjenjen.

Članom 209. stav (1) Zakona o upravnom postupku („Službeni glasnik BiH“ br. 29/02, 12/04, 88/07, 93/09 i 41/13) je predviđeno da organ koji je donio rješenje, odnosno službeno lice koje je potpisalo ili izdalo rješenje, može u svako vrijeme ispraviti greške u imenima ili brojevima, pisanju ili računanju kao i druge očigledne netačnosti u rješenju ili njegovim ovjerenim prepisima. Ispravka greške proizvodi pravni učinak od dana od koga proizvodi pravni učinak rješenje koje se ispravlja.

Prema članu 11. stav (6) Zakona o kolektivnom ostvarivanju autorskog i srodnih prava, obavještenje o zaključku o ispravci greške u Rješenju broj IP-03-47-5-12-06059/12VT od 21.06.2012. godine, koji čine njegov sastavni dio, objavljuje se u „Službenom glasniku BiH“ i „Službenom glasniku Instituta“, te je odlučeno kao u dispozitivu ovog zaključka.

Kako se radi o očiglednoj grešci u pisanju naziva udruženja, do koje je došlo prilikom izrade rješenja, Institut je odlučio kao u dispozitivu zaključka, shodno članu 209. Zakona o upravnom postupku.

**Pouka o pravnom lijeku:** Protiv ovog zaključaka može se podnijeti žalba direktorici Instituta, u roku od 15 dana od dana prijema zaključka.



DOSTAVLJENO:

- Asocijacija kompozitora - muzičkih stvaralaca (AMUS)
- a/a